

<https://news.usm.my>

Berita Mutakhir

08
MAY

PELAJAR USM MENANG REKA BENTUK BANGKU STESEN MRT

untitled 6

PULAU PINANG, 8 Mei 2016 - Pelajar Tahun 3 kursus Seni Bina Pusat Pengajian Perumahan, Bangunan dan Perancangan (PPPBP) Universiti Sains Malaysia (USM), Chan Lee Kang memenangi salah satu daripada hadiah utama dalam MMC-Gamuda KVMRT Art Express Bench Design Competition 2015 baru-baru ini.

"Memenangnya adalah sesuatu yang bermakna kerana kejayaan ini di luar dugaan sama sekali," katanya.

Tambah Chan, bukan mudah untuk menghasilkan rekaan yang dapat meyakinkan para pensyarah dan kemenangan ini meyakinkannya untuk terus menghasilkan idea reka bentuk yang lebih baik pada masa hadapan.

"Kemenangan ini telah menyuntik semangat dan motivasi untuk memperbaiki kebolehan reka bentuk bagi menyertai pertandingan lain kelak," jelasnya.

Chan juga telah memenangi tempat kedua dalam pertandingan reka bentuk rumah mampu milik PAM PR1MA sebelum ini.

Selaku pemenang bagi reka bentuk bangku untuk Stesen Pasar Seni, Chan membawa pulang wang tunai sebanyak RM7,000 beserta sijil.

untitledgfh56

Pertandingan ini adalah berkonsepkan mereka bentuk bangku bagi kegunaan penumpang MRT di 6 buah stesen bawah tanah untuk laluan MRT Sungai Buloh ke Kajang (SBK Line).

Pertandingan ini terbuka kepada semua pelajar Seni Bina, Reka Bentuk Dalaman, Reka Bentuk Produk dan Reka Bentuk Industri di institusi pengajian tinggi tempatan yang diiktiraf oleh Lembaga Akreditasi Negara (LAN) / Malaysian Qualifications Agency (MQA).

Pertandingan ini disertai oleh pelajar dari 19 buah institusi pengajian tinggi awam dan swasta dari seluruh negara dan sebanyak 133 reka bentuk bangku diterima oleh pihak penganjur dari 1 Jun 2015 hingga 31 Disember 2015 yang dianjurkan oleh MMC-Gamuda.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015